

69

72

增輯  
補註

高青邱全集

律詩

卷四

四

館書圖京東

七	二	九	九	九
冊	號	架	函	類

青邱高季迪先生詩集目錄

卷十五

七言律詩

送人出鎮

送周省郎之海虞判官

次張子宜園居二首

遷城南新居

贈醫師王立方

吳縣庠訓導徐君善醫常起人

疾求詩贈之

挽瞿隱君

韻靈隱復見心長老寄兼簡泐禪師

雜齋為陳山人賦

追次唐人韻



喜聞王師下蜀

送倪賢良歸吳門

贈林泉民張夢辰次張貞居韻

倚樓二首

闔閭墓



西塢

過海雲院贈及長老

送錢塘守

張山人見訪留宿草堂

陪臨川公遊天池

客舍歲暮

江上晚眺懷王著作

答徐七記室病中作

遊雲巖值雨

送張徵君南遊

宿張氏江館

再遊南峰

送李使君鎮海昌

賦得惠山泉送客遊越

寄題張著作青山隱居

送胡孝廉布東遊

夜雨不寐

煮雪齋爲貢文學賦禁言茶

晚香軒

次韻倪雲林見寄二首

答韓長司用韻見贈并柬滕用衡

答張文伯用韻見贈

喜逢賀叔庸送還錢塘

子祖授生

喜張太常謁告歸途見訪雨中

留宿話舊

御溝

雲巖訪蟾公值雨留宿次周記室壁間韻

送任兵曹赴邊

吳下逢梁賓客子天爵復送還

會稽

次韻俞士平見寄

登天界寺鐘樓望京城

十二月十九日雪中

過僧舍訪呂敏

新篁

初夏江村

江村

田園書事

梅雨

送衍師還相川

萱草

雨過舟中看山

齊雲樓

靈巖寺

孤園寺

開元寺石鉢

垂虹橋

聞潮州遷客消息

秋日江居寫懷七首

漫成二首

喜徐山人與浩師見過

端陽寫懷

寄倪隱君元鎮

與杜進士寅登白蓮閣對雨

喜宋山人見過

與姪常遊東庵

謝周四秀才送酒

上巳有懷

徐記室賁北歸見訪南渚復送還城

被召將赴京師留別親友

過故將軍第

雨中寄劉沈二別駕

丁校書見招晚酌

杜二年四十鬢已多白戲作是

詩

愛姬祠

雲山樓閣圖爲朱守愚賦

夏夜

池亭晝臥

姑蘇懷古

宿山寺

泛舟西湖觀荷

馬麟春宵圖

晚涼

蘆花簾

雨中

王徵士東里草堂

客舍寒食次周著作見寄韻

新春次余左司韻

次韻楊禮曹秋日見贈

次韻西園公詠梅二首

過吳淞江風雨不可渡晚覓漁舟抵松陵官館

次韻張院長見貽太湖中秋翫月之作

暫宿行營舟中二首 首春感懷

次韻楊禮曹雨中臥疾二首

次韻王孝廉過澄照寺

次韻王七隅仙興 岳王墓

早春寄王行 暮春次韻僧懷德見貽

寄海昌李使君 次韻金文學送弟往海上

過海昌贈使君李兼鎮禦

送黃僧母入道 答薊邱聶才子

廉上人水竹居 梅花九首

歸吳至楓橋 送徐山人還蜀山兼寄張靜居

丫髻峰 石牛

飲陳山人園次能翁韻

寄題內弟周思敬野人居

謁伍相祠 弔七姬冢

郡治上梁 萬木堂爲毘陵下公禮賦

鶴瓢二首 次韻楊禮曹雨中養疴

詠梅次衍師韻五首 送梅侯赴錢塘 以下十五首補

送廣陵成居竹之雲間

送陳博士歸南海葬親

送顥上人還天平山 張思廉退居江上

過張子宜林居 林亭山寺漁樵共話圖

赴京畱別鄉舊 白鶴谿阻雨

送沈省郎赴武康縣丞

送胡端任嶺南陽朔主簿

客中述懷

重遊甘露寺

送呂志學秀才入道

送秦司訓海上省墓

青邱高季迪先生詩集卷十五目錄

青邱高季迪先生詩集卷十五

清 桐鄉 金 檀 星 軺 輯注  
日本伊豫 近藤元粹純叔 評訂

七言律詩

送入出鎮一作送

家出山

西負勇名。見卷十二效唐人贈邊將擁旄方見去專城。唐詩紀事崔魏公鉉久居廊廟三擁節旄

風生曉帳

旌旗動。月落寒譙鼓角清。史記陳涉世家守丞與馭譙門中注譙門

麟閣封侯

新寵。一作任。漢書宣帝初受任。圖功臣霍


鴈門擒虜

舊功成。史記李將軍傳晉為雁門代郡雲中太守皆以力戰為名。如今四海

無征戰。雅詠投壺樂太平。後漢書祭遵傳遵為將軍取士皆用儒術對酒設樂必雅歌投壺

送周省郎之海虞判官

黃茅連野邑城荒。佐邑初煩舊省郎。雁起海風吹暮角。雞鳴關



頌聯又與前首同調

月照晨裝讀書臺下逢人少。蘇州府志梁昭明太子讀書臺在常熟縣致道中。陽山濡墨廳中憶尉狂。唐書張旭傳為常熟尉有老人陳牒求書皆又來旭怒歌。君到官曹無事日。一尊為我酌斜陽。

次張子宜園居二首

列朝詩傳張道字子宜吳人洪武初以秀才舉擢工部都水郎以病免得朱長文樂園故地與周正道陳惟寅遊鴈味自得復以明經舉授廣西理問。歷瀕池魚課宜課二司大使衣食不給竟死于官。

二首皆以開字作

前聯正寫開字後聯翻開字開官借點

見山岡下竹蒙籠。見卷十亂後池塘野水通。身影步隨花影日。鬢絲吹傍釣絲風。已知處世愁無益。更覺全生醉有功。誰道閒官貧去甚。春來未典舊焦桐。淡紫也傳吳人有燒桐以樂者世聞其樂聲曰其材也請削為琴尾尚焦故名焦尾。陸游詩與到琴書事可知。

其二

早回高步謝天衢。漢書叙傳樂龍附。並乘天衢。應戀閒園景趣殊。養鶴階除長得伴。種魚池沼不輸租。蘇軾詩下有種魚塘。按范蠡有種魚經。官曹自古皆詩客。蘇軾詩詩人例作水

第二點開字養鶴種魚及詩釣等皆開中忙事佳聯

曹耶注王禹偁作孟賓于詩集序云古之詩人多求水部何遜張籍孟賓于是也。家世當年本釣徒。見卷三隱苦欲相尋阻泥潦。滿林煙雨聽啼鴉。

遷城南新居

辛苦中年未有廬。東西長寄一囊書。未能避俗還依俗。堪信移居更索居。葉滿隣園煙靄累。竹連僧舍雨疎疎。何須許伯長。第第。漢書蓋寬饒傳平恩侯許伯入第丞相御史將軍中二千石皆賀寬饒不行許伯請之。適往從西階上東嚮特坐許伯自酌曰蓋君後至寬饒曰無多酌我。我適酒狂。注許伯。皇太。此屋儵然已有餘。韓愈詩此屋豈為子外祖也。韓愈詩此屋豈為

贈醫師王立方

醫得河間第五傳。姓譜劉守真河間人。名完素。早遇陳希夷。服仙酒。尋師會上。醉覺得悟。素問支機。著原病式一卷。宣明論五卷。尋師會上海門船。龍方試後應多驗。見卷四贈鶴骨癯來已欲仙。李商隱嬌兒燕。不爾。渡澗斷。蒼朝帶雪。隔林蒸。尤午生煙。詩人亦有相如渴。西雜記相如素有消渴疾。及還成都。悅文君之色。遂發痼疾。乃作願乞丹砂舊井泉。美人賦以自刺。李商隱詩侍臣最有相如渴。願賜金華露一杯。

曼字為聯甚巧擬與園居詩同一作法

安分自足是達人

如余則只有醉後之渴耳亦切欲得丹砂井泉醫之也呵呵

抱朴子臨玩處氏。世壽考。後徙去。他人居之。復多壽考。疑其井水赤。掘之。得古人所埋丹砂數十斛。

吳縣庠訓導徐君善醫。常起人疾。求詩贈之。

解榻高齋晝日遲。坐談周孔雜軒岐。按軒岐黃帝岐伯。仙人方在應藏枕。

漢書郊祀志大夫劉嬰生。獻淮南枕中洪寶苑秘之方。注苑秘者言秘術之苑圃也。博士經橫每下帷。見卷四停君白玉尼。池上

采芹風起處。階前曬藥雨收時。病痊不使人栽杏。神仙傳董奉居廬山。為人治病。

輒愈。重者一種杏五株。輕者一株。只要新題滿卷詩。

挽瞿隱君一作程孝廉。

壯志蹉跎為亂離。蒼天不肯見清時。樓前鶴去飛雲遠。墓上人

來宿草衰。親老還揮思子淚。弟愁長詠哭兄詩。兩年頻送交遊

歿。不似夫君最可悲。

次韻靈隱復見心長老見寄。兼簡泐禪師。列朝詩傳來復字見心。豐

城人。族姓黃氏。禮南悅楚公為師。公有詩名。遊燕都。視天虞文靖公。歐陽文公諸君子。與張澹公交尤厚。復航海至鄞。于雙林之定水寺止焉。

使人慘然  
大全集發作死似  
是  
夫君字自楚辭九  
歌來

外人年已七十  
三而繁于小人可  
笑

懸遠斥雁運而不  
許入社賊僧安得  
與是比哉

大全集漫作倚非  
是

洪武初。與泐季潭用高僧名。至京。授僧錄司左覺義。詔住鳳陽棲芽山。通院二十四年。坐胡察伏法。年七十三。詩文有蒲菴集。又宗泐字季潭。臨海人。族姓周氏。八歲從中。天竺笑隱。公學佛。二十受具。從智開山于龍翔。寓意詞章。尤精隸古。虞文靖。黃文獻。張潞公。皆推重。為方外交。洪武初。詔舉高行沙門。居其首。命住天界。領右街善世。居無何。卒。旨佚老。歸。絕。江。至。江。浦。石。佛。寺。示。微。疾。留。三。日。沐浴。念。佛。泊。然。而。寂。世。壽。七。十。四。夏。六。十。

高堂鐘鼓毒龍驚。王維詩安禪制毒龍。又劉禹錫詩獨向。曾布袈裟海上

城。洛陽伽藍記佛在鳥場園。行化龍王。瞋怒。與大風雨。佛身袈裟。表裏通澤。雨止。佛在石上。東面而坐。曉髮。年歲雖久。媚然若新。廬嶽禪師傳

法印。徐陵書。峯。號。香。爐。依。然。廬。嶽。廬。山。記。山。有。東。西。林。寺。慧。遠。居。東。林。宋。史。藝。文。志。宗。美。禪。門。法。印。傳。五。卷。王。緝。大。證。禪。師。碑。達。摩。傳。大。通。傳。大。照。相。傳。如。滴。密。付。法。道園學士許詩名。案。虞。道。園。仕。至。幾。趨。北。闕。瞻。天。近。獨。坐。南。屏。

對月明。杭州府志。南屏山。在。慧。日。峯。後。書到喜聞雙徑老。統志。徑山。在。餘。杭。縣。乃。天。目。之。東。北。峰。有。徑。通。天。目。故名。

又稱。雙徑。雨華新散滿瑤京。

稚齋為陳山人賦。一作雅宜山居。為陳惟寅題。

華屋雖存忍獨居。愁瞻松柏漫踟蹰。夕陽馬下高人墓。夜雨烏



啼孝子廬。〔異苑〕東陽顏烏以純孝著聞。後有羣鳥銜鼓集顏所居之村。烏口皆傷。一鳥今名地拖衣冠魂去後。家留圖籍手編餘。元方應有無窮意。漢書陳紀傳紀字元方。遭父憂。每哀至。輒歎血絕氣。殆將滅性。豫州刺史嘉其至行。表上尚書。遣車入洛陽。就家拜五官中郎將。不得已。到京師。遷待中。出為平原相。陌上何年重駕車。〔世說〕陳太邱詣荀朗陵。貧無僕役。使元方將車。季方持杖後從。長文尚小。載者車中。

追次唐人韻

任俠平生慕灌夫。〔見卷一〕每思鳴劍起伊吾。〔後漢書〕傳拔威宮馬武之徒。撫鳴劍而抵掌。志馳于伊吾之北。歌調錦瑟初移柱。〔李商隱詩〕錦瑟無端五十絃。一絃一柱思華年。笑擲金盤已作盧。及殺在後。殺次擲得雉。大喜。衣繞牀。叫曰。非不能虛。不事此耳。俗因按五木。久之曰。老夫試為卿答。既而四子俱黑。一子轉躍未定。俗厲聲喝之。即成盧焉。買妾競誇燕地女。〔古詩〕燕趙多佳人。美者顏如玉。求官不事霍家奴。漢書霍光傳。愛幸監奴馮子都。常與計事。幸灞陵獵罷歸衝雪。笑殺詩人撚凍鬚。〔盧延讓詩〕吟成幾

喜聞王師下蜀

〔明紀事〕洪武四年春正月。上命湯和為征西將軍。周鼎與。廖永忠為左右副將軍。率京衛荆湘舟師。由涪塘趨

首一句提出第二句以下皆承寫俠字

輕俠之狀寫出如見  
大全集雀作克恐非

近日我征戎軍之陷旅順口降威海衛頗有是前聯之概

積山齊字甚奇

大全集作逢倪徵士

重慶傅友德為前將軍。率河南陝西步騎。由秦隴趨成都。六月。明昇歸永忠軍。全城納款。八月。明昇至京師。封歸義侯。

蜀國兵銷太白低。〔見卷四〕將軍新拜漢征西。浮橋已毀通江鷁。〔後漢書〕明紀事。永忠進兵涪塘。阻山峻水急。蜀人設鐵索浮橋。橫關口。舟不得上。乃密遣壯士數百人。昇小舟。出石間。蜀人不覺也。度人持棹。順水而下。分爲兩道。夜五鼓。皆衣青蓑。衣魚。出。石間。蜀人不覺也。度人持棹。順水而下。分爲兩道。夜五鼓。以一軍攻其陸寨。一軍攻其水寨。將士皆以鐵囊船頭。置火器而前。黎明。蜀人盡銳來拒。永忠先破其陸寨。揚旗鼓譟而下。蜀人出其不意。大駭。而下流之師。亦擁舟急擊。發火炮火筒。夾攻大破之。那與中火符。死。遂焚其三橋。斷其橫江索。擒同簽將達等八十餘人。斬首千餘級。溺死者無算。飛天張鐵頭張等皆遁去。司馬相如子虛賦。浮文錦。注。鷁象于船頭。其進鼓初鳴。突水犀。〔越語〕今夫差衣水犀之甲者。億有三千。〔注〕犀形似犀甲。山不假五丁開道遠。言此天牛能負金。蜀人信之。令五丁共引牛成道。致之成都。秦因使俄看萬甲積山齊。〔後漢書〕樊崇。泗水人。信之。令五丁共引牛成道。致之成都。秦因使俄看萬甲積山齊。宜陽城西。與熊耳山齊。〔張說〕郭知運。碎甲山齊。而有從今險阻無人恃。夷貢南來盡五溪。〔一作〕將軍劉尚。擊武陵五溪蠻夷。深

送倪賢良歸吳門

入軍沒。援因復請行。遂將十二郡。募及地刑。四萬餘人。征五溪。〔注〕五溪。在今辰州界。

或云應是從廣陵南歸

前聯流水對 七八收拾二聯情味不盡

數千里外久相違。十八灘頭偶獨歸。〔名勝志〕頓水在萬安者。有十八灘。蘇軾詩：七千里外二毛人。十八灘。自說病來辭幕府。只因愁絕念庭闈。吳歌重把還鄉酒。蠻布猶穿過嶺衣。〔六一詩話〕蘇子瞻得西南夷人所賣話。盡三年遊歷事。滿庭風雨送斜暉。

贈林泉民張夢辰次張貞居韻。〔列朝詩傳〕張樞字夢辰。陳留人。徙家華亭。築室曰讀書莊。與諸弟倡和為樂。兼工行楷。陶南邨贈詩云：幅巾短杖林和靖。斗酒長篇李謫仙。可想見其風致也。人高之。稱曰林泉民。

奇對 中島子玉牡丹詩 他年香若修花史 名字應編本紀中 蓋自是詩化出

雨船幾度載狂客。詩卷平生隨老翁。林下自成麋鹿友。世間相去馬牛風。〔左傳〕風馬牛不相及。〔唐書〕鄭書無紙。慈恩寺有柿葉數屋。遂借居。日書殆徧。他日誰修耆舊傳。著君應在隱淪中。

倚樓二首

起句借樓字引出 秋思字 第三句接入倚樓 意跌出下句

西館樓前見雁行。桂花初白柳枝黃。凭欄有客迎秋思。捲箔誰家出晚妝。未放離魂尋楚雨。已看歸鬢點吳霜。〔李賀〕選自會稽。自

第四句開出下半篇 七八得國風之遺意 可謂不負狂杜之名

憐對酒還惆悵。不及分司御史狂。〔唐詩紀事〕杜牧為御史。分務洛陽。時李成謁之。李高會朝客。以杜持憲不敢邀致。杜遣座客遠意。願預所會。李不得已。邀之。杜獨坐南向。唯目注視。引滿三卮。問李云：聞有紫雲者。孰是。李指之。杜凝睇良久。曰：名不虛傳。宜以見惠。李俯而笑。諸妓亦回首破顏。杜又自飲二爵。朗吟而起。華堂今日綺筵開。誰喚分司御史來。忽發狂言驚滿座。兩行紅粉一時迴。意氣閒逸。旁若無人。

其二

漠漠疎煙丹樹開。火經城苑滅樓臺。雨初過處千山出。人正愁時一雁來。秋色自隨砧杵動。夕陽又被鼓鐘催。詩成未盡登臨意。獨向蒼茫首重回。

闔閭墓〔吳越春秋〕闔閭之葬。穿土為山。積壤為邱。發五都之士十萬人。共治十里。使象運土。鑿池。四周廣六十里。水深一丈。銅椁三重。傾水

銀為池六尺。黃金珍玉為龜雁。諸盤。故曰虎邱。

此首發前首未盡之意 二聯聯璧有陸劍南之遺韻 七八點出倚樓意 以合收二篇押韻最妙

水銀為海接黃泉。一穴曾勞萬卒穿。謾設深機防盜賊。難令朽骨化神仙。空山虎去秋風後。廢榭烏啼夜月邊。地下應知無敵國。何須深葬劍三千。

西塢

有生新之趣  
空山啄木聲敲鏗。花落水流縱復橫。松風吹壁鶴翎墮。梅雨過溪魚子生。〔捫蝨新語〕江湘二浙。四五月間。梅欲黃而雨。謂之梅雨。尚有人家機杼遠。更無塵土衣裳輕。斜陽已沒月未出。樵子歸時吾獨行。

過海雲院贈及長老。〔院見卷四徐山人紫藤塢注〕〔列朝詩傳〕愚菴禪師及公名智。吳縣人。海雲院高僧。

無乃仙境乎  
袂擁寒雲老一邱。遊方無夢轉悠悠。茶香吹過前林晚。菜葉流來別澗秋。舊拂講餘懸壁上。殘經定後落牀頭。紫藤塢裏歸逢雪。煨芋曾煩慰客愁。〔煨芋見卷八遊虎阜〕

送錢塘守

起句言亂後  
第三句承到郡第四句承昇平  
五六正寫錢塘  
煩字極未免為微暇  
結句關合送者  
繁華莫歎異昇平。到郡初煩露冕行。〔見卷十三送吳縣令〕幕下吏書催署字。〔唐書王績傳〕供于第左。建大。院。文書。叢。委。吏。爭。入。求。署。一。字。累。數。日。不。得。者。〔劉禹錫詩〕案牘來時惟署字。湖中妓舫歇歌聲。潮來兩渡皆侵岸。日落諸山半入城。休沐南屏煩一到。松間尋我舊題名。

名。

張山人見訪留宿草堂

是詩第三第五似寫我浪華客中之况可謂奇  
夕陽欲沒靜沙墟。喜子能來慰索居。生事蕭條慙客裏。交情契闊歎兵餘。買魚急喚臨江艇。炊黍深開映竹厨。屈指故人能幾在。莫辭同醉臥田廬。

陪臨川公遊天池

第二言臨川公  
第四叙天池  
後半寄慨七八最妙  
騎馬尋幽度嶺遲。老僧不識使君誰。門開紅葉林間寺。泉浸青山石上池。殘果已收猿食少。枯松欲折鶴巢危。壁間不用題名字。無限蒼苔沒舊碑。

客舍歲暮

前聯是敘懷妻女也  
後聯千真萬真非自道裏經來者不  
空江寒雨送淒涼。離舍無多即異鄉。井臼尚勤慙德曜。〔見卷三隱逸梁鴻〕音書未至憶平陽。〔李白寄東魯二稚子詩〕嬌女字平陽。心輕別歲憑年少。夢喜還家及

能解其味

起句上四字是江  
上既下三字是懷  
次句是晚景題意  
具于二句中第  
三承雪後有真山  
民口吻 二聯方  
正寫足離情 第  
七承上二句第八  
結出懷字

第三句是陪  
五六承上句開字  
七八結出作字

夜長自笑病來詞賦拙。嬾從枚叟客遊梁。漢書枚乘傳乘字叔淮陰人也。從梁孝王遊。梁客皆善屬人

江上晚眺懷王著作

渡頭西望足離情。晚水寒山雪後清。鷗立斷水流漸遠。鴉隨殘照去還明。漁笛人過風生浦。估客帆迴樹繞城。范蠡祠前春意動。見卷七送顧式歸吳注思君欲放酒船行。

荅徐七記室病中作

空齋孤枕積書間。清瘦憐君變舊顏。累少亦憂今日亂。病多應賴此身閒。朝辭鄰友看花去。晚候家僮買藥還。知是苦吟猶未廢。水邊深樹掩柴關。

遊雲巖值雨

深殿幽廊暎竹開。鳥聲忽斷雨聲催。蘚生偏上題詩壁。虎邱志接虎邱石壁

反結雨字

題名可考者。叻於元微之。見劉夢得詩。而宋元人題名在劍池東崖。區區百數。苦蘇妓刻。多漫漶不可識。花落還臨說法臺。林下聞鐘諸客散。磻邊汲水一僧來。晚晴更好看山色。西閣憑闌獨未迴。

送張徵君南遊

故人多去不堪留。況復看君更遠遊。流落正逢搖落景。亂離還值別離愁。夕陽亭上匆匆酒。寒雨江邊渺渺舟。此後衡門應獨掩。詩篇寂寞有誰酬。

宿張氏江館

極浦荒雲一櫂行。遠投江館駐宵程。客中得酒銜悲喜。亂後逢人說死生。木葉未空寒鳥聚。海潮欲上曙雞鳴。政憐此地無驚擾。歸夢如何又入城。

再遊南峰

情思淡蕩

第四點出亂後  
五六正寫宿江館  
第八反應首句

前聯寫南峯照字  
奇後聯寫游  
第八逗出再字

一起有氣勢  
前聯寫海昌邊境  
之狀如見

措詞清新詠物上  
乘  
好典故何處得來

放鶴亭前落葉重。吟身獨上夕陽峰。遠村近浦分諸樹。後嶺前山應一鐘。高閣倚殘歸鳥過。空林行盡老僧逢。支公駿馬嗟何處。石上莓苔沒舊蹤。

送李使君鎮海昌〔原注〕州有雙廟。

海風千里捲雙旌。按轡初聞屬部清。人雜島夷爭午市。潮隨山雨入秋城。鳴狐不近睢陽廟。〔史記〕陳涉世家。又問令吳廣之次近所旁。濞祠中夜篝火。狐鳴呼曰。大楚興。陳勝王。卒皆夜篝火。恐。〔雅〕陽見卷十。張中丞廟。突騎猶屯廣利營。〔李廣利見卷一。從軍行。〕肯掃帳中容我醉。夜深燃燭臥談兵。

賦得惠山泉送客遊越。

雲液流甘漱石牙。〔吳筠有廬山雲液泉賦。〕蘇軾詩。楊州雲液却如酥。潤通錫麓樹增華。〔錫山見卷五。〕汲來曉冷和山雨。飲處春香帶澗花。合契老僧煩每護。〔蘇軾集。愛水。恐復取而為使者見。給因破竹為契。使寺僧藏其。一以為往來之信。遂戲謂之調水符。〕修經幽客記曾誇。〔張又新水記。〕送

七八正叙送行意  
而尚不脫泉結構  
頗精

溫雅高妙畫出一  
仙境

茫茫天下其奈多  
王夷甫噫

自唐詩來

行一斛還堪贈。往試雲門日注茶。〔一統志〕雲門寺。在紹興府城南。雲門山。號雲門。今名廣孝寺。〔歸田錄〕草茶盛於兩浙。日注第一。〔會稽志〕日注。在會稽縣東南。產茶奇絕。日注。歸田錄書為日注。

寄題張著作青山隱居〔一統志〕青山。在長興縣南山。有石竇。通太湖及洞庭山。冬月常暖。色如黛青。〕

霞映青山似赤城。〔見卷四。〕歸樓聞已謝時名。半湖殘雨收虹影。幾樹斜陽帶鳥聲。竹下逢僧投杖揖。蘿間候客抱琴行。平生應笑王夷甫。末路方言少宦情。〔晉書〕王衍傳。東海王越之討衍。也。衍以太尉錄起。懼不敢當。辭曰。吾少無宦情。隨牒推移。遂至于此。今日之事。安可以非才處之。俄而舉軍。為石勒所破。排填殺之。

送胡孝廉布東遊

春色偏傷楚客心。日斜芳草鷓鴣吟。山遮故國千重影。雲度長江一片陰。少婦自挑燈下錦。〔晉書〕賈逵妻蘇氏傳。酒被徒流沙。蘇氏思之。織甚。懷。〔黃酒詩〕玉窗挑錦。佳人老。〕諸侯誰贈橐中金。〔漢書〕陸賈傳。高祖使陸賈賜財。印為南越王。陸賈。陸生。橐中裝直千金。他送亦千金。〕送行只恨華觴淺。不似同袍別意深。

夜雨不寐

雨窗燭盡漏迢迢。秋滿牀幃酒易消。蟋蟀催寒輸絡緯。絡緯見卷四梧桐關雨勝芭蕉。漸知老去非前日。豈信愁來是此宵。莫聽曉鐘聊穩睡。久居閒退罷趨朝。

養雪齋爲貢文學賦。禁言茶。

自掃瓊瑤試曉烹。石爐松火兩同清。旋渦尙作飛花舞。蘇軾詩。旋渦俗名。旋渦。沸響還疑灑竹鳴。不信秦山經歲積。統志。鳳翔府郿縣太白山。山中積雪六月不消。俄驚蜀浪向春生。杜牧詩。漢水橫衝蜀浪分。一甌細啜眞天味。蔡襄詩。靈泉出地。清嘉卉得天味。却笑中冷妄得名。統志。中冷泉。在鎮江西北。水記云。劉伯弼以揚子江中冷水爲第一。

晚香軒

不畏風霜向晚欺。獨開衆卉已凋時。地荒老圃苔三徑。節過重陽雨一籬。秋色蒼茫人少醉。寒香落寞蝶先知。陸游詩。寒蝶猶依晚菊花。山翁獨

清婉可喜

第三是形第四是聲  
後聯刻劃殊巧

念同衰晚。坐對幽軒每賦詩。

次韻倪雲林見寄二首

近世人皆知倪雲林之爲畫人而不知其爲高季迪之友。雲林蓋不可以尋常畫人視也。

老來詩陣尙堂堂。歐陽修詩。詩陣誰教主。將壇。孫子。勿擊堂堂之陳。過宿曾留讓大牀。見卷十病驥可堪迷遠道。溫庭筠詩。枯魚。孤桐。一作。只合在高岡。蕭蕭塵

鬢驚寒色渺。渺雲山斂夕光。莫道欲歸無好處。便尋句漏與華陽。晉書。葛洪傳。洪欲煉丹。聞交趾出丹砂石。求爲句漏令。梁書。陶弘景傳。上表辭隱居。于句曲山。恆曰。此山下是第八洞。宮名金壇華陽之天。乃中山立館。自號華陽隱居。

其二

草滿當年食客堂。一身投老寄僧牀。秋風吟怨衰蘭浦。李賀詩。衰蘭送客咸道。暮雨行愁苦竹岡。見卷十一。五禽。言泥滑滑注。任曠豈能諧薄俗。養和且爲

駐顏光。養生論。守之以和。酒錢十萬今誰送。杜甫詩。賴有蘇司業。時時與酒錢。獨饜黃花對夕陽。

荅韓長司用韻見贈。并柬滕用衡。用衡見卷十一。

雲林高致可想

飛騎臥龍自然佳對

昔年載橐侍明堂。〔載橐見卷十三〕每見論邊近御牀。〔杜甫詩去歲入幕乍參飛騎將。營子武門領以諸衛將軍號飛騎。還家新卜臥龍岡。名志臥龍岡。在南陽府西南七里。草廬在其內。時人以孔明為臥龍。因號其岡云。姑蘇志。臥龍街。橫亘吳城中。東為長洲界。西為吳縣界。〕秦山暮隔關雲遠。吳地秋涵海日光。共語東西遊宦事。里中今喜有南陽。〔漢晉諸葛家子。南陽之野。縣在襄陽城西。號隆中。諸葛亮出師表。臣本布衣。躬耕南陽。〕

荅張文伯用韻見贈

早年說法已升堂。夜雨長連聽雨牀。珥筆便堪趨禁省。〔見卷七傳侍〕振衣何必上重岡。〔左思詩振衣千仞岡。〕半簾藥氣疎煙退。滿屋書聲落月光。愧我飄零荒舊學。酒徒相逐醉高陽。

喜逢賀叔庸送還錢塘

暫來還去獨翩翩。賀監清狂已欲仙。〔唐書賀知章傳知章還客授秘監。〕日小樓延解榻。〔見卷四始還西齋〕幾人還浦送回船。雁呼舊侶投雲外。梅

退字光字奇

首句選送總起  
大全集仙作選非  
是  
第三承暫來第四  
承還去

第五接上句第六  
起下二句 第七  
還錢塘

試初花在雪前。歸去西湖柳邊宅。定娛鶴髮慶新年。〔歐陽修詩錦堂戲壽時。〕

子祖授生

〔原引二月二日子祖授生。其母嘗夢一姑跪捧以獻。孕而既生。太守魏公來賀。聞其啼甚奇。之。余年三十八歲。始有是兒。不能無喜。故賦詩。〕

第三承戲字第四  
承賢字  
好典故又好湊合  
其快可知

他日愚賢未可知。眼前聊復慰衰遲。人間豚犬應誰子。〔吳歷曹公謀。劉景升兒子若豚犬耳。〕天上麒麟豈我兒。〔見卷十三戲嬰圖〕夢兆先占神媪送。〔夷堅志。覆母五十無子。繪觀音像。祈子。妻夢白衣婦人以盤擊一兒。授之。遂生兒。戴表元得子詩。啼聲錯愕。獻步媪。勤渠。〕啼聲還得使君奇。〔晉書桓溫傳。溫生。未期。溫媪見之曰。此兒有奇骨。可試使啼。及聞其聲。曰。真英物也。〕樂天從此休長歎。已有人傳柏匱詩。〔白居易題文集。後詩。破柏作文。櫃。千箱。誠知終散失。未忍遺棄。捐。自開白鎖。閉。置在書帷前。身是鄧伯道。世無王仲宣。只應分付女。留與外孫傳。〕

喜張太常謁告歸途見訪雨中留宿話舊

長嗟遠別望京城。忽喜相逢駐驛程。問舍求田慙我鄙。〔見卷十三郊墅雜賦〕

起句跌出喜字次  
句落見訪

七言律詩二

嵩山堂藏版

第三是陪第四是  
五六是傳事  
一精若逸可愛

句有典是道對  
得意技兩  
第四何不引詩註

還家上家羨君榮。唐明皇記寒食上禁。禮經無聞。近代相承沿以成。寒廳聯  
句圍爐坐。韓愈詩。動來得語。語。勿憚宿。句見卷十四。晚陌趨朝並轡行。舊事重談真  
若夢。江湖夜雨一燈明。

御溝見卷七

春合禁柳絲相和。紫貫天津若絳河。晉書。天文志。天津。四星橫河中。一曰。傳。上元夫人遣一侍女問云。上問起。居。遠隔絳河。授以官事。遂奪顏色。派出宮牆流葉斷。太平廣記。唐僖宗時。于祐。紅葉相示。乃開宴。曰。予二人可謝。媒人韓氏曰。一聯佳句。隨流水。十載幽思。滿繁懷。今日。却成鸞鳳友。方源通靈沼。躍魚多。曲迂月下龍舟轉。清照雲間雉扇。過。唐書。儀衛志。大徽二。雉尾扇。八。古今注。雉尾扇。起于殷世。高宗時。有雉之祥。服章。多用翟羽。周制。以為王后夫人之車服。與車有翟。即翟。雉羽為扇。製以障。障。風塵也。行客何須問深淺。長流不盡似恩波。

雲巖訪蟾公。值雨留宿。次周記室壁間韻。

日暮松間兩屐過。嬾殘不出近如何。見卷八游虎。鐘聞下界歸人

佳句

少。白居易詩。上界。鐘聲下界聞。燈照空林落葉多。別後有思還是妄。定中無想不  
成魔。傳燈錄。夫珠和尙云。起心是天魔。不起心是陰。山靈盡意相留客。暗雨  
斜風滿薜蘿。

送任兵曹赴邊

少年恥著惠文冠。漢書。張敞傳。敞弟武。拜為梁相。敞問武。欲何以治梁。武謙不肯。國大都。吏民凋敝。且當以柱後惠文冠治之耳。秦時。獄法。吏冠柱後。惠文。武意欲以刑法治。梁吏還道之。敞笑曰。審如掾言。武必辨治梁矣。幕下時時把  
劍看。官燭未銷雞送曉。軍笳忽動馬嘶寒。關連雲樹征途迴。塞  
接霜蕪戰地寬。見說長平門下客。漢書。衛青傳。青取河南地。為朔方。奇材唯有一任安。史記。衛青傳。大將軍青。日退。而驃騎日益貴。舉。

吳下逢梁賓客子。天爵復送還會稽。

大平路儒學教授。洪武初。拜太子賓客。兼祭酒。掌監事。初。國學既建。諸博士皆就職。胄子在內府者。令布衣高啓謝。數教之。至是。諸生方序立。右順門內。貞傳。旨下。勅諸生出受業。大學。歲賜衣。以為常。三年九月。坐事。放歸田里。後卒于家。



後聯寫歸途南邊之景物

特起超絕

風致特勝揮之唐人集中不易辨

後人文中芝眉芝字拜芝等語蓋原于此

大全集城作邑

氣格雄渾全自風凰臺詩化出

識君京國暫相從。別去堪憐此再逢。共把一杯官市酒。初聞半夜客船鐘。吳洲雁落潮痕淺。越嶠猿啼樹影重。曾作尊翁舊僚屬。臨分離恨倍人濃。

次韻俞士平見寄

一、權滄浪兩鬢絲。豫章老客苦相思。〔一〕統志九江府漢屬豫章。作歌幾日空招

隱。〔樂府古題〕本楚辭招隱。漢淮南王安小山所。作也。言山中不可以久留。後人改以爲五言。載酒何人爲問奇。〔漢書〕揚雄傳。時有好事者。載酒問奇。

吳苑舊遊山色在。楚江歸夢月明知。莫言別後音塵絕。

長倚東樓憶紫芝。〔唐書〕元稹秀字紫芝。爲魯山令。所得俸祿。悉衣食人之孤遺者。以自娛。房瑄每見。歎曰。見紫芝眉宇。使人名利之心都盡。蘇元明日。吾不幸生衰俗。所不恥者。識元紫芝也。

登天界寺鐘樓望京城

朝罷登樓賞晚晴。三山二水總分明。〔江寧府志〕上三山。在江寧鎮東。三峰拱峙。大江西來。此山突起。當其衝。李白詩。三山半落青天外。二水中分白鷺洲。人間地湧黃金界。〔見卷十四〕天上雲開白

玉城。〔李白詩〕三吳王作城。宮樹遠連江樹色。寺鐘微荅禁鐘聲。憑高空此觀形勝。深愧無才賦帝京。〔唐太宗有帝京篇十首。又駱賓王有帝京篇。〕

十二月十九日雪中

雪景幻眼

舟絕寒江凍不潮。紫沙拂柳影條條。纔從漁浦磯邊積。還向樵村竹外飄。撲馬憶當年少樂。〔李商隱對雪詩〕欲舞定隨曹植馬。點袍曾逐待臣朝。〔宋符瑞志〕大明中。元日雪花降殿庭。右將軍謝莊。下殿。雪集衣白。上以爲嘉瑞。羣臣作雪花詩。如今獨坐吟詩句。茅屋茶煙

七八反接上句

冷未消。

過僧舍訪呂敏

一作訪呂志學寓性濟房。〔見卷三〕

幾欲相尋與願違。今朝始得過禪扉。磬聲穿竹山房遠。屐齒黏苔石徑微。幽鳥每同馴鶴下。高人閒與老僧依。談詩說偈俱堪喜。坐覺茶香上薜衣。

新篁

第二句正落第三承禪扉第四寫過字

清氣襲人

前聯初夏江村風  
致如見可謂一幅  
活畫也

大全集浦作固大  
非  
又活畫

南池雨後見新篁。裊裊煙梢漸出牆。風度亂翻交籜響。歐陽修綠  
竹堂詩夏  
送涼野飯休燒林下筍。留添碧玉數竿長。

初夏江村

輕衣軟履步江沙。樹暗前村定幾家。水滿乳鳧翻藕葉。風疎飛  
燕拂桐花。禮記季春之  
二月桐始華渡頭正見橫漁艇。林外時聞響緯車。陸龜蒙  
詩鄰聲  
最是黃梅時節近。雨餘歸路有鳴蛙。

江村

南浦薰風吹葛衣。呂氏春秋東  
南曰薰風汀花未露岸花稀。水神廟下莎侵  
路。見卷十四  
甫里祠江叟門前柳映磯。犢臥已知耕耒歇。鷗鷺長見釣船  
歸。天隨宅畔吾曾住。留得閒罨挂夕暉。

田園書事

清澗閑肆使人有  
置身于田舍中之  
想  
比石湖田園雜興  
之諸作無遜色

西園春去綠陰成。已覺南窗枕簟清。廉捲斜陽歸燕入。池生芳  
草亂蛙鳴。桑一作  
葉過穀雨花猶在。范成大詩桑  
花共葉開衣近梅天潤易生。獨  
坐正知閒晝永。吟餘消盡篆煙輕。

梅雨

江南煙雨苦冥濛。梅子黃時正滿空。漉竹暗連湘女廟。隨雲遠  
度楚王宮。窗寒頓使拋紈扇。衣溼頻催換火籠。陰鏗詩火  
籠恒煖脚幾度欲  
晴還復暝。簾前不放夕陽紅。

送衍師還相川

江樹湖波繞相川。姑蘇志相川。長洲縣  
之相城里妙智菴南風巾舸去翩翩。村中乞米晨留鉢。城外聞  
鐘夜泊船。昔向名林曾說法。今歸舊院定安禪。道心深悟俱浮  
幻。梁昭明太子解二諦義又諸未審俗諦之  
體既云浮幻何得子真實之中見此浮幻不奈詩名滿世傳。

萱草

畫出一箇行脚僧  
甚妙

楚楚有致

幽華獨殿衆芳紅。臨砌亭亭發幾叢。亂葉離披經宿雨。纖莖窈窕  
宛擢熏風。佳人作佩頻朝採。徐勉嘗草賦其葉四垂其附六出亦曰宜男倦  
蝶尋香幾處通。最愛看來憂盡解。忘憂見卷六魏武短歌行何以解憂惟有杜康 不須夏  
讓一作酒酒多功。元稹詩實家能醒銷愁酒但是愁人便與銷愁

雨過舟中看山

風雨山前暗荔蘿。齊書褚伯玉傳談荔蘿滿蓬涼思入滄波沙鳴正厭秋  
聲急峰出還憐秀色。一作多溪上雲收開遠樹田中水滿發新  
禾舟人不用催歸速。臥看青巒次第過。

齊雲樓

齊雲樓在蘇州府治後子城上唐曹恭王建蘇州府志郡治舊有樓以土山立四小亭于上曰樓玉蒼臨烟岫清漪其齊雲樓前有芍藥園每歲花開太守宴客號芍藥會元至正末張士誠據爲太守府及敗縱火焚之

境臨煙樹萬家迷。勢壓樓臺衆寺低。斗柄正垂高棟北。山形都

三四叙其高是齊

秋江舟中真景

雲之名之所以起也

聚曲欄西。半空曾落佳人唱。千載猶傳醉守題。白居易詩重覆江山勝平舒井邑寬齊雲樓北面終日凭闌于按齊雲樓即古月華樓白居易改號齊雲

野鳥飛上女垣啼。李賀詩女垣樓鳥起 劫火重經化平地。

註地一作址

靈巖寺

原注在靈巖山吳館娃宮舊地也

閒上香臺望下方。漁村樵塢盡蒼蒼。傾城人遠苔生逕。歸寺僧  
稀葉滿廊。雲散池邊留塔影。雨來閣外失湖光。廢興皆幻何須  
問。獨自吟詩送夕陽。

孤園寺

原注在洞庭山梁散騎常侍吳猛故宅也具區志在消夏灣西五峰嶺下一名祇園寺一名下方寺

欲問南朝常侍宅。已爲西域化人宮。列子周穆王時西域之國有化人來及化人之宮山僧歸帶漁舟雨湖鳥來聞粥鼓風蘇軾金山詩半垂簷秋殿暗波濤驚座夜堂空給孤長者誰曾見見卷四晚應在煙雲杳靄中

起手自然爲流水對

奇氣襲人

開元寺石鉢見卷十四

句句用典博雅可想

寶石當年琢帝青。皮日休開元寺佛鉢詩帝青石作綠水姿自浮波不異木盃輕之孟傳西晉杯渡常寄宿一家有金像渡物去主覺追傳靈已歷乾陀國西陽維也。乾陀國。頭河岸。有繫白象樹花。葉如。瓊。季。冬。力。熱。相。傳。此。樹。滅。佛。法。亦。滅。乞食。曾來舍衛城。金剛經爾時世尊食大城。漁父得時初洗獻。法王在日每擎行。法華經法王無上尊。釋氏通典曰。在人中。人王尊。寺僧見客休頻出。恐有藏龍此內驚。晉書僧涉傳涉。西而龍下鉢。中天輒大雨。堅及羣臣親就鉢觀之。

垂虹橋

判官張顯祖鑿以石。下開七十二洞。

行人脚底響波濤。驅石神鞭是孰操。見卷十影落蛟龍朝窟暗。杜賦長橋臥波。形垂蟠蝨暮天高。莫之敢指。東。煙中去憶鴟夷遠。見卷五未盡何龍。月下吟誇長史豪。蘇舜欽長史垂虹橋中秋對月詩月晃長江上下同。畫橋橫截冷光中。雲頭焰焰開金餅。水面沈沈臥彩虹。佛氏解爲銀色界。

聞潮州遷客消息

幾度憑欄賞秋色。鱸魚新買繫歸舸。仙家多住玉華宮。地雄景勝言不盡。但欲追隨楊柳風。

起手寫遷客  
前聯正寫潮州

第六句轉入消息  
七八挽合潮州反結

瀧吏相迎渡惡灘。韓愈瀧吏詩南行逾六旬始下樂昌瀧。善書地理志樂昌縣屬出。到時應是幾旬間。猿啼嶺下梅花白。李商隱詩梅花。鱸去祠前荔子斑。一統志潮州瀧溪。在府城東。一名惡溪。東流五十里入于海。溪有鱸魚。往往爲人害。唐韓愈爲刺史。作文驅之。鱸徒六十里。潮人遂免此患。又韓文公廟。在金山。宋遷韓山。封文公爲名。姓未看兵籍落。音書忽附估船還。莫言久作炎荒客。李商隱表久處。會逐陽和返故山。

秋日江居寫懷七首

每看搖落卽成悲。杜甫詩搖落深知宋玉悲。況在漂零與別離。爲客偶當鱸美處。思兄正值雁來時。天邊暝爲秋陰蚤。江上寒因歲閏遲。莫把丰婆比楊柳。愁多蕭颯恐先衰。晉書顧悅之傳悅之與簡文同年。而髮蚤白。帝問其故。對曰。松柏之姿。經霜猶茂。蒲柳之實。望秋先零。

江居客居也七首  
皆寫飄零之况然  
無類墮衰颯之氣  
故是哀而不傷  
起句是秋次句是  
懷 第三承漂零  
第四承別離 五  
六寫蕭颯之狀  
七八應搖落成悲

鄰機野飯皆不關已也

其二  
葭。莢。連。秋。渺。渺。長。歸。舟。猶。歎。滯。江。鄉。衣。客。欲。冷。鄰。機。急。農。事。初。  
成。野。飯。香。千。里。斷。雲。隨。雁。鶩。半。村。殘。照。送。牛。羊。有。愁。不。解。登。高。  
賦。空。使。頻。迴。宋。玉。腸。

其三

芙蓉澤國禾黍田  
暗何等風致却着  
翻漫雨奄冉風六  
字可想踪跡沈埋  
之况

舌。在。休。誇。術。未。窮。（張儀舌在見卷四）且。將。蹤。跡。託。漁。翁。芙。蓉。澤。國。瀾。  
漫。雨。禾。黍。田。疇。奄。冉。風。身。計。未。成。先。業。廢。心。懷。欲。說。舊。交。空。楚。  
雲。吳。樹。無。窮。恨。都。在。蕭。條。隱。几。中。

其四

三四極言其俗所  
以為獨客五六言  
時物之相稱反跌  
結謂恐非此不得  
也

風。塵。零。落。舊。衣。冠。獨。客。江。邊。自。少。歡。門。巷。有。人。催。稅。到。鄰。家。無。  
處。借。書。看。野。蟲。催。響。天。將。夕。籬。豆。垂。花。雨。稍。寒。終。臥。此。鄉。應。不。  
憾。只。憂。飄。泊。尚。難。安。

其五

此雅人所謂奇雅  
俗人所謂迂拙也

桑。苧。翁。家。次。近。居。（見卷六）人。煙。沙。竹。自。成。墟。移。門。欲。就。山。當。楊。  
補。屋。唯。防。雨。溼。書。貧。為。湖。田。長。半。沒。拙。因。世。事。本。多。疎。當。時。亦。  
有。求。名。意。自。喜。年。來。漸。已。除。

其六

有妻同王霸則貧  
居亦可安也

喪。亂。將。家。幸。得。全。客。中。長。恥。受。人。憐。妻。能。守。道。同。主。霸。（見卷三）婢。  
不。知。詩。異。鄭。玄。（世說）鄭。康。成。家。奴。婢。皆。讀。書。康。成。嘗。使。一。婢。不。解。言。怒。使。人。與。著。  
怒。士。婢。知。詩。似。鄭。康。成。借。得。種。蔬。傍。舍。地。分。來。灌。菊。別。池。泉。却。欣。遠。  
跡。無。相。問。一。權。秋。風。笠。澤。邊。

其七

三四薄俗相輕之  
一端指其雅者言  
之五六言同居  
者多往來者少  
東家愚夫不知西

秋。塘。門。掩。竹。穿。沙。為。客。鄰。酷。未。易。賒。閒。裏。壯。年。慙。白。日。愁。中。佳。  
節。負。黃。花。漁。村。靄。靄。綠。江。暗。農。徑。蕭。蕭。入。圃。斜。薄。俗。相。輕。吾。敢。

家丘余亦常有是  
歎今讀此詩使人  
失笑

怨魯人猶自笑東家。家語魯人不識孔子聖人乃曰彼東家某者吾知之矣。

漫成二首

自歎學古而徒以  
閑老然却是已志  
所願此中難言之  
隱令人微會  
二聯俱承寫閑字  
沖澗絲迥可誦

柴門藥圃小江邊。蚤得閒居是偶然。兩岸晚風黃鳥樹。一陂春水白鷗天。悠悠往事空書卷。碌碌浮生只釣船。猶記京華為客日。幾回聽雨憶歸田。

其二

第四微露其意  
後聯一句極寂寥  
一句極飛舞  
七八言此景只消  
之以詩而已

已分稜遲不自疑。江邊林下儘幽期。病唯好懶寧須藥。心未忘機偶對碁。閒館雨聲花落夜。芳塘草色燕飛時。春來頗喜囊中富。添得新成幾首詩。

喜徐山人與浩師見過

後聯最妙絕

遠煩支許問棲遲。杜甫詩從來支許遊與趣江湖迴按支許謂支遁許詢正是山家橋熟時。為吏得閒非是隱。學禪有解只一作能詩。潮聲驚客江三里。秋色留

大全集情倍作瀟  
偏亦通

人菊數一作枝。莫怪相逢情倍喜。碧雲紅樹久相思。

端陽寫懷

前六句追叙

去歲端陽直禁闈。新題帖子進彤扉。玉堂雜記翰苑歲進春端帖子大官供饌分蒲醑。荆楚歲時記端午以菖蒲泛酒辟瘟氣中使傳宣賜葛衣。杜甫端午日賜衣詩宮衣亦有名端意內稱長短終身荷聖情黃繖迴廊朝旭淡蘇軾詩日高黃繖下西清玉爐當殿午熏微。李賀詩玉爐炭火香燼燼今朝寂寞江邊臥。閒看游船競渡歸。

寄倪隱君元鎮金剛集有似三

前四句寫倪雲林  
為人  
後四句寫其所思  
處

名落人間四十年。綠蓑細雨自江天。張志和詞青箬笠綠蓑衣斜風細雨不須歸寒池蕉雪詩人畫。見卷九和行上人觀梅午榻茶煙病叟禪。四面荒山高閣外。清閣閣見水圖兩株疎柳舊莊前。相思不及鷗飛去。空恨風波滯酒船。

與杜進士寅登白蓮閣對雨

遠愁高樹共離離。風逆潮聲上浦遲。海客市中煙起處。江僧閣

大全集逆作送

前聯寫雨後聯寫對雨 第六自水村山郭酒旗風來注引朱子詩外

外雨來時。船歸杳。靄唯聞榜。店隱蒼茫。不見旗。朱子詩與發酒家旗。回首南朝今幾寺。可堪重詠牧之詩。杜牧詩南朝四百八十寺。多少樓臺烟雨中。

喜宋山人見過

起句言見過 第四句寫其喜 第五句對梅發第 六句對雁眠

携琴遠趁渡江船。煩覓幽蹤浦樹邊。別久忽看梅又發。話長應讓雁先眠。一冬多暖天無雪。半夜初寒月有煙。回首舊遊君莫念。歸來好共種吳田。

與姪常遊東菴

水樹圍菴綠幾層。陰中敲戶畫登登。蘇軾詩空齋十年重到猶爲客。半日纔閒且訪僧。舊履塵生跌後席。亂幡風颭供餘燈。高齋對作忘言坐。此事堪憐汝亦能。

謝周四秀才送酒

不忍醒愁只欲眠。趙嘏詩破曉醒愁一萬杯。幾時花發自江邊。欲沽百錢未易

醒愁字奇

既有杜康不必醒 愁徒過三春矣

得。忽送一壺真可憐。梳頭好鳥語窗下。洗盞流水到門前。今朝得醉已無恨。不使春光空一年。

上已有懷

第三承愁坐 第四承佳辰掩扉

春寒渾未減征衣。愁對佳辰坐掩扉。江上琴書留滯久。水邊車

後聯閑婉 原本梨作梨今從大全集訂正

馬祓除稀。周禮春官女巫巫掌歲時祓除風俗注歲時祓除如今三月上巳如水上之類。韓詩章句鄭俗上巳乘船祓除。閒園細雨梨

七八結出有懷

花落。廢苑平蕪燕子飛。欲覓蘭亭會中友。何延之蘭亭記蘭亭者晉右軍官游山陰與孫統謝安等四十有一人修禊。揮毫製序。幾人遷謫未能歸。

徐記室賁北歸見訪南渚復送還城

初辭楚澤到吳村。訪舊嗟君古道存。欲治匆匆歸後計。難留款款坐中論。雪遲似讓梅先白。月蚤如愁樹已昏。此別終非前別遠。孤舟江上莫銷魂。江淹別賦黯然銷魂者惟別而已矣。

被召將赴京師留別親友

第五暫句

七言律詩一

一八 崑山堂藏版

非高詩之至者

長送遊人作遠行。今朝還自別鄉城。北山恐起移文誚。齊書孔稚  
會稽人。少涉學。有美譽。仕至太子詹事。鍾山在都北。其先周彥倫。隱于此山。後應詔。移文。東觀  
出爲海鹽縣令。欲却過此山。孔生乃假山靈之意。移之。使不許得至。故云北山移文。  
慙叨議論名。後漢書安帝紀。詔者劉珍。及五經博士。校定東觀五經。諸子傳記。百  
之所。當時文學之士。使校。路去幾程天欲近。春來十日水初生。只愁使  
者頻催發。不盡江頭話別情。

過故將軍第

甲第如雲紫陌東。史記武帝紀。賜列侯甲第。注。有甲乙。當年得意負邊功。  
美人笑容登樓上。史記平原君傳。家樓臨民家。民有遊者。繫冊行汲。平原君美人  
也。臣願得笑。臣者頭。平原君笑而不殺。美人。歲餘。資客稍引去。怪問之。一人。假子將兵  
衛閣中。見卷二。廢宅行。義兒注。又唐書田承嗣傳。募軍中勇。深計謾誇三窟  
固。戰國策。馮煖曰。狡兔有三窟。僅得免其死耳。今。遊魂難返九原空。門前車  
馬。今誰到。零落槐花向晚風。

橫門要路人讀此其爲何感乎

雨中寄劉沈二別駕

前半藏雨意在句中至第六句始出兩字結構甚巧後聯自前聯中生出情調俱絕

漠漠春寒水繞城。唯家可作看花行。一杯不得三人共。二月都  
 能幾日晴。夢逐鶯聲風外斷。愁兼草色雨中生。畫船載妓南湖  
 上。不似年時放浪情。

丁校書見招晚酌

正坐羈愁不自聊。遠煩舟楫暮相邀。江懸落日猶三尺。風折垂  
 楊定幾條。流水入花村杳杳。幽人對酒屋條條。此鄉不得君同  
 客。應是春來更寂寥。

杜二年四十鬢已多白戲作是詩

後聯是戲方今俗問好染虛消買藥金之徒甚多蓋因不知到頭當見之理可笑

覽鏡憐君感歎深。年來領下忽霜侵。未衰自計方強仕。曲禮四十  
 早白應緣只苦吟。雖失家中嬌婢喜。秦觀摘白髮行陸展  
 遠朋欽到頭此物須當見。好染虛消買藥金。

一幅活畫七八反結招字



宮中嬖人亦死為  
土神乎

嬖人之禍亦一經  
名家之用則使人  
生惘然感情可謂  
奇矣

平穩無他奇

愛姬祠〔姑蘇志〕吳王廟。在香山南趾。廟貌有二妃侍相傳。即孫武所誅二隊長也。又曰愛姬祠。今為土神。一在吳江宋墓。一在崑山泖川鄉。

錦雲陣陣落紅衣。波冷雙蓮慘夕暉。〔見卷一玉〕故國草侵金輦跡。荒祠塵掩畫羅幃。共哀艷質軍前沒。誰見香魂月下歸。惆悵無人來酌酒。綠楊惟有暮鴉飛。

雲山樓閣圖為朱守愚賦

白雲窈窕楚天陰。半露樓臺出遠林。簾幙捲時秋雨歇。鼓鐘鳴處夕陽沈。鶴從遼海天邊下。猿隔巴山樹裏吟。為問仙家在何處。欲穿謝屐一登臨。

夏夜

銀河欲轉漏聲稀。〔白帖〕天河謂之銀漢。亦曰銀河。坐詠閒齋夜掩扉。鵲影頻翻窗竹起。螢光每拂逕莎飛。風生漸抖齊紈扇。露下猶沾楚葛衣。自

據胡牀相待月。為憐池上夜涼微。

池亭晝臥

曲闌虛幙映滄浪。長日宜眠夢蝶牀。〔陸游詩〕午枕初回夢蝶牀。波影細搖侵簟影。荷香遠遞雜爐香。不知道路方愁暑。只愛池亭可納涼。何處蟬鳴驚睡起。高槐陰外未斜陽。

姑蘇懷古

麋鹿來遊客過稀。〔見卷二朝〕消沈霸業在斜暉。遊帆自向湖邊落。鳴屨誰聞月下歸。〔見卷五〕烏喙計成楣柵至。〔烏喙見卷十兩山亭〕蛾眉舞罷綺羅非。如今始悟牽裳諫。〔見卷九〕荊棘遺宮淚滿衣。

宿山寺

蓮宮借榻喜涼生。疑到天台近赤城。風度迴廊秋欲動。河窺高閣曙初明。泉聲正與松聲合。僧夢頻同鶴夢驚。最喜此宵無熱

起句上四字是亭  
下三字是池次句  
是晝眠  
三四承上合寫  
七八結臥字意

句句寓懷古意

夏夜山寺之狀寫  
出有致讀者亦自  
心骨清爽矣

七八有永今夕之意

惱〔見卷十〕莫教月落又鐘鳴。

泛舟西湖觀荷

澗江夏夜舟游常有是况味而無是佳作故使西湖以名勝獨步于天下我輩豈無慙汗

雨晴南浦錦雲稠。晚待波平蕩槳遊。狂客興多惟載酒。小娃歌遠不驚鷗。半湖月色偏宜夜。十里荷香已欲秋。為愛前沙好涼景。滿身風露未回舟。

大全集無春宵二字

馬麟春宵圖

〔圖繪寶鑑〕馬麟南渡後馬遠之子。能世家學。然不逮父。遠愛之。多于已畫上題作馬麟欲子得譽也。為畫院祇候。

第四詩句

燕睡簾前夜未深。羅衣應怯嫩寒侵。風傳漏板還堪數。〔李賀詩〕七板。星挂城聞。月混梨花不易尋。翠館紅樓猶裊裊。華燈繡闥正沈沈。畫中一片春宵景。寫出閨人悵望心。

曉涼

涼意襲人

驕陽未出曉涼生。〔杜甫詩〕驕陽化為霖。滿櫺春風細髮輕。〔歐陽修詩〕衰髮不滿櫺。荷上露華翻曲沼。樹頭河影落高城。自舒清簟臨窗坐。又聽疎鐘隔寺鳴。却喜閒身無事役。不須早逐市人行。

蘆花簾

蘆花織出緯蕭機。〔爾雅〕蕭草。〔注〕莢似葦而小。實中。宋史列女劉氏傳。嘗緯蕭以自給。未許蝦鬚獨銜奇。〔廣祖〕蝦鬚大蝦出海中。長二三丈。其鬚長數尺。可為簾。〔馬〕寒雪照庭晴不捲。白雲當戶畫長垂。恍疑柳絮風穿早。不管梨花月到遲。自是楚江秋一片。移來不使白鷗知。

句句藏蘆花字在中詠物上乘賴山陽翁所不能解

雨中

一本下有寄。鱗洲包公。

雨中真况

二月水長打磯頭。茅屋恐隨江夜流。雨聲鳴瀨稍欲歇。雲氣出峽未能收。鷓鴣鷓鴣晚爭喜。〔爾雅〕注。鷓鴣俗呼慈老。人畜之。以繩約其喙。方曲如鉤。〔掉雅〕鷓鴣五色尾。如船舵。在山澤中。無復毒氣。其宿若有敕令。故謂鷓鴣。楊柳杏花春自愁。幾日鄰家斷來往。出門應恨少扁舟。

王徵士東里草堂

道老患緣詩得名  
而後世則有不能  
詩寶名之徒噫

久客因為東里人。年來移竹與僧鄰。時名頗患緣詩得。野性惟知向酒新。林下煙生門掩夕。園中雪罷鳥鳴春。相期歲晚為同社。韓愈詩。願為同社。人。雞豚宴。春秋。隔屋歌呼定不嗔。

客舍寒食次周著作見寄韻。

寒食江頭客未還。獨臨流水見愁顏。故園芳草斜陽外。空館疎華細雨間。亂世求田雖自笑。見卷十三。郊野雜賦。少年當路竟誰攀。主人莫折門前柳。多病無書倦入關。

新春次余左司韻。

雪晴稍稍見花枝。書閣朝眠日影移。酒到好懷傾輒盡。詩逢高韻和應遲。今朝閒豈尋春得。前夜愁因送客知。走馬南園芳草綠。憑君莫問少年時。

次韻楊禮曹秋日見贈

佳聯可誦晚樹字  
甚奇  
第六如為余設者

殘雨飗飗映彩虹。李白詩。安得五采。虹。天作長橋。憐君獨詠楚臺風。遠江帆影秋蕪外。故苑砧聲晚樹中。壯歲漸如辭幙燕。閒身猶作蠹書蟲。雅音自古無能好。莫向人誇瑟最工。見卷四。感。齊竽注。

次韻西園公詠梅二首

如何天與出塵姿。不得芳名入楚辭。曾幾海棠詩。少陵忘却。春後春前曾獨探。江南江北每相思。微雲淡月迷千樹。流水空山見一枝。擬折贈君供寂寞。東風無那欲殘時。

其二

雪中無伴只孤芳。倚竹元非翠袖妝。杜甫詩。天寒翠袖薄。日暮倚修竹。馬上忽逢臨水驛。鶴邊俄見向山房。春愁寂寞天應老。夜色朦朧月亦香。此地一尊聊自戀。揚州回首已淒涼。

過吳淞江。風雨不可渡。晚覓漁舟。抵松陵官館。

梅花不獨不入楚辭三百篇亦不入可怪  
青邱梅花九首中亦云淡月微雲皆似夢空山流水獨成愁咏梅次衍師韻亦云淡月微雲應萬樹荒山流水只孤蕪併此凡三次見同句宜存其一削其二三四七八亦復可怪  
春愁一聯亦與九首中第八首前聯全同七八二句亦與咏梅次衍師韻覆要之此二首皆付勇割似是

風雨方知客路難。飛鴻相逐渡江湍。港收漁市舟歸晚。門掩官廳燭對寒。孔平仲冬曉詩城上。猶吹角。官廳已罷。聖。此地昔年曾遠宿。何人今夕共清歡。枕邊不為江聲急。夢寐憂時未得安。

次韻酬張院長見貽太湖中秋翫月之作。

洞簫聞處似黃州。蘇軾前赤壁賦。客有吹洞簫者。倚歌而和之。一統志。赤壁山在黃州。月色惟過一半秋。兔窟一作窟何年丹桂種。五經通義。月中有兔與蟾。何。月陰也。蟾。蟾蜍也。而與兔並明。陰繫于陽也。程俱詩。何年願兔窟。桂子落山腹。龍宮今夜白蓮浮。法華經。文殊師利坐千葉蓮花。從大海娑竭羅龍宮。自然湧出。蘇軾詩。初如深潭隱山玉。漸如濯濯出水蓮。露沾席上縱橫醉。天落舟前浩蕩遊。若上洞庭看玉鏡。許謙題延月樓詩。兩山應是勝三洲。玉鏡飛空。天地白。

暫宿行營舟中二首

兼葭霜露冷侵船。落雁驚鳥總未眠。戍卒獨明高柵火。長安東柵。依梓。居人同宿廢村煙。醉中遠夢欺長夜。亂裏窮愁折壯年。莫

壯句

起手凄絕  
亂時行營中狀況  
使人想像不止

問身閒何到此。久思提劍學防邊。北史。宇文貴嘗被書。曰。男兒當提劍。汗馬以取公侯。何能為博士也。

其二

角聲未起大星低。杜甫詩。嚴警當寒夜。前軍落大星。夜靜寒營獨馬嘶。樹葉蕭蕭霜後堞。河流汨汨露中堤。一軍睡枕誰能穩。數里歸舟自欲迷。起望此時憂夏切。邊烽不隔遠峰西。

首春感懷

初春風日自妍華。客意登臨只感嗟。陌上驚塵隨去馬。城邊遺柳斷樓鴉。亂來未覓無兵地。愁在空思有酒家。咫尺苑西誰解問。早梅還發去年花。

次韻楊禮曹雨中臥疾二首

階前曝藥雨來收。寒似人情戀故裘。壯歲間關元屬命。荒城蕭索不因秋。憶君我最相憐病。問客誰能獨免愁。清坐自能消鬱

我征清之士讀此  
想應慨然

亂離中真況

三四悲壯  
大全集客作汝非  
是  
七八妙攝生秘訣  
不出于此十四字

之外

前聯如爲余設者

結古方休向篋中求。

其二

門前問疾幾人車。曲巷深深樹影斜。每愛積書緣有子。不愁聽雨爲無花。亂來官俸猶支粟。睡起僧書忽寄茶。何事一春頻謁告。宋史常林傳與朝堂。只應來辨酒中蛇。晉書樂廣傳廣嘗有親客久闊不復見。杯中有一蛇。意甚惡之。既飲而疾。子時河南臨事。廣有角弓影作蛇。廣復置酒。曰。復有所見否。曰。如初。廣乃告之。客豁然意解。沈疴頓愈。

次韻王孝廉過澄照寺

蘇志澄照寺在陽山下。唐會昌間。丁某捨廢。錢氏時。有泉出寺中。改仙泉院。宋祥符初。始賜今額。有別院名白蓮禪院。

汝向山中住十日。題詩幾度見經過。彈琴只向寺前石。放棹每遊湖上波。空林雨過虎跡大。古屋雲生龍氣多。山僧好客未容去。落日更聽樵牧歌。

次韻王七隅仙興

原本大作少非是  
今從大全集  
後聯一讀腥羶氣  
溢于紙上

似不免羶溢

不從道士覓鷲羣。

薰沐清朝謁老君。

靈魚三食內篇文。

龍氣雙騰合景劍。

鐵。自食牛。餘牛與康。皆凝而爲石。庚信詩石髓香如飯。海上琪花白似雲。郭鈺

知子從來有仙骨。吹笙擬共接飛裙。

岳王墓。

大樹無枝向北風。千年遺恨泣英雄。班師詔已來三殿。

說兩宮。

樓霞嶺上今回首。不見諸陵白露中。

每憶上方誰請劍。空嗟高廟自藏弓。

悲壯感憤

詠岳飛詩以此作爲勝不罵奸相獨貴高宗是其識見高處近世魏冰叔論蓋以此詩爲粉本王元美作非不佳及讀此覺瞭若乎數步外矣

悲壯感憤

走狗塘。見卷十三。樓霞嶺上今回首。不見諸陵白露中。宋諸陵見卷十三。韓蕡王墓。

韓全欲以五萬衆內附。飛大喜。語其下曰。直抵黃龍府。與諸君痛飲耳。方指日渡河。而韓世淮爲界。以其北棄之。知飛志銳不可回。詔張俊。楊沂中。先歸。後言飛孤軍不可久留。乞令班師。一日降十二金字牌。飛憤惋泣下。東向再拜曰。十年之功。廢於一旦。臣死且不避。詔遂班師。杜市詩。詔從三殿去。注。韓德殿也。一殿而有三年之功。廢於一旦。射虜書猶

韓蕡王墓。見卷十三。韓蕡王墓。

宋諸陵見卷十三。韓蕡王墓。

以其山川寂寞今古銷沈故解愁人江水江花只自春耳後聯寫十年憂患情形

早春寄王行

江水江花只自春。不知容易解愁人。山川寂寞衣冠淚。今古銷沈簡冊塵。草草逢人空識面。匆匆為客莫容身。十年憂患誰相慰。賴得君家是近鄰。

暮春次韻僧懷德見貽

風雨乘愁過盡春。愧煩問訊社中人。牀頭蠶與青山舊。門外車隨白日新。說法空林三竺士。林景熙西湖詩斷按三竺曉殘柳六橋春誦詩清夜五臺賓。華嚴經疏清涼山者即雁門郡五臺山歲積堅冰夏仍飛雪五峰聲出象菩薩頂有五臺相思雖覺鐘聲近。猶隔城東十丈塵。

寄海昌李使君

海上波濤夜不驚。使君雖老尚能兵。荒煙白鹵家家竈。為剛鹵注鹹土也宋史食貨志凡鶻地之。曰亭場。民曰亭戶。或謂之窟戶。落日黃岡處處營。杭州府志黃山黃陀山皆在海寧縣治東又有

蓋亦偶然重複不及改焉耳

起手不凡

大全集經作金恐非後聯如見着色北宗語

大全集風作書猶虎作苗鬼俱訛

大全集黃作王亦訛

次韻金德儒文學送弟往海上

浦。人雜島夷爭。小市潮隨山雨入。孤城。按此一聯重前送李使君止易二字疑其詞複或即當日易稿亂離為客最堪憐。橫

小陸賢如大陸賢。晉書陸雲傳少與機齊名雖文章不及機而持論過之號曰二陸亂離為客最堪憐。橫

經海上知虛席。打鼓津頭看發船。杜甫詩打鼓發船何郡耶麥氣曉晴田雉鬪。

懷香春暖野鷺眠。本草微香北人呼為苗香。微香宿根。深冬生苗。五六月開花。結子大如麥粒。輕而有細稜。明朝夢斷生

芳草。見卷十二答宗人風雨孤舟過練川。松江志章練塘。青浦縣泖西市鎮。

過海昌贈使君李兼鎮禦

海上觀風逐使車。將軍雙廟有遺墟。見卷三已看田父迎貓虎。迎。貓。為其食田鼠也。未遣溪人射鱷魚。日出鹽生沙地白。潮來波動縣城虛。故人相識登樓意。不是懷歸長簡書。

送黃僧母入道

三四句中暗藏黃僧母字

江夏千年有故家。〔後漢書黃香傳〕天至今喬木哺慈鴉。〔禽經〕慈鴉烏反哺。里聞賢子初名憲。〔後漢書黃憲傳〕字叔度。汝南慎陽人也。世貧賤。父爲牛醫。憲初學孝廉。又辟公府。友人勸其仕。憲亦不拒之。曾到京師。而還。天下號曰徵君。世說仙姑舊姓麻。〔見卷九〕壽酒淋漓傾墮露。舞衣零亂拂飛霞。不須三釜稱榮食。〔莊子〕曾子再仕。而心再化。曰。吾及親仕。三釜而心樂。後仕三千鍾。不泊。吾心悲。自有金盤棗似瓜。〔見卷四〕停君白玉尼。

大全集方作才

前聯豪俠後聯凄婉

荅薊邱聶方子〔見卷一〕薊門行

聞道詩狂復酒狂。少年鞍馬鬪輕裝。百金已醉名姬館。一劍還登俠士堂。鳥起夜啼吳苑月。雁來秋帶薊門霜。亂餘零落無人識。日暮相逢向路旁。

廉上人水竹居

水西分土一袈裟。〔嘉興府志〕資聖禪寺。一名水西。與祥符寺並黃巖。運開山。相傳爲唐宣宗潛邸之所。拄杖敲門竹滿家。掃石安禪無落葉。過溪送客有浮槎。〔廬山記〕惠遠法師。送客過虎溪。虎輒鳴號。送陶元亮。陸靜

修。與語道合。不覺送過虎溪。因大笑。世傳三笑圖。

龍吟夜應潮生海。鳥過寒驚月在沙。林下本來參玉版。〔冷齋夜話〕子瞻遊剡。器之參玉版和尚。至麻景寺。燒符食之。器之覺荷殊勝。問何名。子瞻曰。玉版也。此老師善說法。要令君得禪悅之味。器之始悟。

不須更煮趙州茶。〔五燈會元〕僧問谷泉禪師曰。未審客來將何祇待。師曰。雲門糊餅。趙州茶。

梅花九首

瓊姿只合在瑤臺。誰向江南處處栽。雪滿山中高士臥。〔袁安臥雪〕寒依疎影蕭蕭竹。春掩殘香漠漠苔。自去何郎無好詠。東風愁寂幾回開。

其二

綺袂相逢半是仙。〔見卷十〕平生水竹有深緣。將疎尙密微經雨。似暗還明遠在煙。薄暝山家松樹下。嫩寒江店杏花前。秦人若解當時種。不引漁郎入洞天。

其三

梅花九首首首皆飄逸絕群句鍛字鍊和靖以後恐無敵手

和靖之詩亦不以爲好詠乎可怪

起手更妙

結亦不凡

清絕妙絕其多具  
天趣處在傍寫  
淡月微雲一聯凡  
三出而余最推此  
詩

名聯錯出清澹閑  
肆詩隨字最新

神韻縹緲此空中  
造五風樓手也  
後聯與第一首前  
聯同趣向而句格  
稍遜

翠羽驚飛別樹頭。見卷九梅雪軒注冷香狼籍倩誰收。騎驢客醉風吹帽。蘇賦詩雪中騎驢孟浩放鶴人歸雪滿舟。林通放鶴見卷九淡月微雲皆似  
夢。空山流水獨成愁。幾看孤影低徊處。只道花神夜出遊。

其四

淡淡霜華溼粉痕。誰施綃帳護香溫。詩隨十里尋春路。愁在三  
夏挂月村。飛去只憂雲作伴。銷來肯信玉為魂。一尊欲訪上聲放。  
羅浮客。落葉空山正掩門。

其五

雲霧為屏雪作宮。塵埃無路可能通。春風未動枝先覺。夜月初  
來樹欲空。翠袖佳人依竹下。見上卷西園公咏梅白衣宰相住山中。唐書令  
寥此地君休怨。回首名園盡棘叢。絢子高當時謂之白衣宰相。神史魏野亦稱白衣宰相。談苑王曾布衣時以梅花詩寂

其六

夢斷揚州閣掩塵。見卷十一約王孝廉看梅幽期猶自屬詩人。立殘孤影長過  
夜。看到餘芳不是春。雲暖空山栽玉徧。月寒深浦泣珠頻。見卷  
人摘阮掀篷圖裏當時見。畫苑宋楊補之善寫梅有掀篷圖錯愛橫斜却未真。林通詩疎  
清淺暗香浮動月黃昏。

其七

獨開無那只依依。肯為愁多減玉輝。簾外鐘來初月上。燈前角  
斷忽霜飛。行人水驛春全早。啼鳥山塘晚半稀。愧我素衣今已  
化。陸機詩京洛多風塵素衣化為緇相逢遠自洛陽歸。

其八

最愛寒多最得陽。仙遊長在白雲鄉。春愁寂寞天應老。夜色朦  
朧月亦香。此聯重前西園咏梅楚客不吟江路寂。吳王已醉苑臺荒。枝頭誰

形容極倫愈出愈  
奇

句格一變

溫雅高妙  
此亦與前詩偶然  
相復宜削前詩



花驚字奇

起手又妙  
詠物首首如古吐  
今町哇獨闢真有  
描風鏡影手段近  
世詩佛五山諸先  
輩以詠物為畢世  
獨得事業而竟不  
能出于遺老範圍  
外也

久客歸鄉之狀寫  
出真實但親經其  
境者善知之

見花驚處。嫋嫋微風。簌簌霜。

其九

斷魂。只有月明知。無限春愁在。一枝不共人言。唯獨笑。忽疑君  
到。正相思。（盧全詩）相思一夜梅花發。忽到窗前疑是君。歌殘別院燒燈夜。妝罷深宮覽鐘  
時。（金陵志）宋武帝女壽陽公主。人日臥于含章殿簷下。梅花落額上。成五出之花。拂之  
不去。經二日洗之。乃落。宮女效之。今稱梅花妝。章莊詩）半掩朱門白日長。晚風輕隨  
落梅。舊夢已隨流水遠。山窗聊復伴題詩。

歸吳至楓橋

（原注）舊有塔。今廢。

遙看城郭尚疑非。不見青山舊塔微。官秩加身應謬得。鄉音到  
耳是真歸。夕陽寺掩啼鳥在。秋水橋空乳鴨飛。寄語里閭休復  
羨。錦衣今已作荷衣。

送徐山人還蜀山兼寄張靜居

我因解紱遠辭京。君為修琴暫入城。偶爾相逢春酒熟。飄然忽

山人高致可想

自了得字着筆來  
何等奇想可謂極  
文章之遊戲  
大全集變作

與前首同一筆法  
而形容自別

去暮煙生。山頭學嘯猶聞響。（晉書）阮籍傳。籍嘗于蘇門山遇孫登。與商略終  
古及酒神導氣之術。登皆不應。因長嘯而退。至  
牛嶺。聞其聲。若鸛  
鳳之音。響乎巖谷。世上留詩不寫名。西欄煩詢張靜者。年來注易幾  
交成。（吳志）吳翻傳。示孔融。以所注易。開元遺事）太白  
山隱士郭休。于山中。建茅屋百餘間。有注易亭。

了髻峰

（江寧府志）了髻山。在溧陽縣北。兩峰如髻。  
又句容志。作於嶺山。蓋二邑相接。孔道也。

雙縮雲鬟作髻髻。小姑當日嫁誰家。（小姑山見卷  
六）送袁憲史）雲滋細草頭梳  
髮。風動奇芳鬢插花。鸞鏡夜憑松挂月。鳳釵春待竹生芽。行人  
莫起陽臺念。雲雨無情更賒。

石牛

（姑蘇志）長洲縣九都通國橋西石牛  
巷。因巷前有石牛。相傳唐時物。故名。

一拳怪石老山巔。頭角崢嶸幾百年。毛長紫苔春夜雨。身藏青  
草夕陽天。中宵望月何曾喘。（世說）滿奮體羸畏風。在晉武坐。北窗作琉璃屏。  
實密似疎。奮有難色。帝笑之。奮曰。臣猶畏牛。見  
方多喘。而此牛畏熱。見月疑是日。所以喘也。盡日看雲自在眠。惱殺牧童  
呼不起。數聲長笛思悠然。

飲陳山人園次能翁韻

桃花梨花已狼籍。躑躅花開如火炎。見卷二時過上巳和而暢人比杜陵清且廉。園中雨流水遶砌。林下鳥鳴風滿簾。把酒亦知君意好。醉多謬語莫相嫌。

寄題內弟周思敬野人居

野人何處是幽棲。聞在天隨舊宅西。半屋圖書春落盡。一村花柳畫鳴鷄。分泉自給烹茶水。待雨惟耕種藥畦。塔合詩侵舟欲相訪恐驚鷗。鳥過前溪。

謁伍相祠

地老天荒伯業空。曾於青史見遺功。劉長卿詩功名滿前孝。見卷二抉目吳門死後忠。國語伍員將死曰而懸吾目於東門以見越魂歷怒濤翻白浪。見卷二劍埋冤血起腥

韻度超然青邱本色

流麗

大全集作弔伍子胥

二聯俱切于伍子胥

一結音韻鏗鏘

風九姑蘇壑我來無限傷心事。盡在越山煙雨中。

弔七姬塚

姑蘇志七姬塚在郡城東北隅潘氏後園。張羽作補曆志七姬塚皆以禮。其塚居和而有紅。剪製衣。皆精巧絕倫。事其主及夫人。皆能以節。自立者。歸必為語。其。皆。一且。歸。召。七。姬。謂。曰。我。受。國。重。寄。義。耶。及。外。難。與。敵。抵。城。下。公。日。臨。戰。一。旦。歸。召。七。姬。謂。曰。我。受。國。重。寄。義。不。顧。家。脫。有。不。宿。誠。若。等。當。自。引。決。毋。為。人。恥。也。一。姬。跪。而。前。曰。主。君。遇。妾。厚。妾。終。無。二。心。請。及。君。時。死。以。報。母。令。君。疑。也。遂。趨。入。室。以。其。帨。自。經。死。于。戶。六。人。者。亦。皆。相。繼。經。死。公。問。之。曰。何。若。還。死。耶。實。至。正。丁。未。七。月。五。日。也。以。世。難。弗。克。葬。乃。斂。其。尸。焚。之。復。以。其。遺。骸。瘞。于。後。園。合。為。一。塚。公。還。啓。其。封。且。泣。曰。是。非。若。所。安。也。行。營。高。敞。地。而。遷。焉。時。以。日。薄。故。未。暇。為。志。及。踰。月。始。狀。其。事。屬。羽。將。勒。石。追。瘞。于。家。側。嘗。觀。今。乃。子。一。家。一。日。而。得。七。人。焉。吁。不。奇。矣。哉。乃。列。其。姓。氏。于。石。而。系。之。以。銘。程。氏。蜀。郡。人。年。三。十。生。女。一。人。生。奴。程。氏。廣。陵。人。年。廿。三。徐。氏。黃。岡。人。年。二。十。生。女。一。人。不。惜。羅。氏。濮。州。人。年。廿。三。卞。氏。海。陵。人。年。與。羅。氏。同。彭。氏。與。卞。氏。同。郡。其。年。與。徐。氏。同。段。氏。大。寧。人。年。十八。其。先。死。者。也。公。名。元。紹。字。仲。昭。實。宋。魏。王。廷。美。之。裔。其。先。以。避。禍。易。今。姓。未。復。云。銘。曰。生。也。同。其。天。死。也。同。其。時。而。瘞。又。同。其。封。壤。樹。蕭。條。匪。子。之。宮。尚。卜。高。原。以。永。無。窮。

疊玉連珠。棄草根。仙遊應逐墜樓。魂孤墳掩夜香。

疊玉連珠四字七

寧邱詩集卷十五

七言律詩一

二九 崑山堂藏

初冷。幾帳留春被尚温。佳麗總傷身薄命。艱危未負主多恩。爭妍無復呈歌舞。寂寂蒼苔銷院門。

郡治上梁

郡治新還舊觀雄。文梁高舉跨晴空。南山久養千雲器。景福殿賦。飛閣于雲。浮櫂東海初生貫日虹。見卷四荆柯。班固西。都賦。抗應龍之虹梁。欲與龍庭宣化遠。司馬光。輝龍。還開燕寢賦詩工。章應物。都督。集。大材今作黃堂用。姑蘇志。蘇。中君之子所建。因數。失火。遂以雄黃故名。民庶多歸廣庇中。

萬木堂為毘陵下公禮賦

林隱高堂萬木青。森然玉立勢亭亭。春風送暖花連砌。秋雨生涼葉滿庭。坐愛繁陰簾半捲。臥聽靈籟戶深扃。斧斤未許來樵採。要養長材獻大廷。

鶴瓢二首

產自靈苗勝羽胎。文同謝寄藥方詩。我聞神仙草藥不凡土生。是中常有靈苗異。伏地復誕一卵。淵材狀曰。鶴亦收道。吾乃為萬錫嘉話所誤。劉賓客嘉話錄。人言鶴胎生。所以賦云胎化仙禽也。何須去作鳳匏來。潘岳。笙賦。有曲沃之懸匏焉。注。列管匏中。壺公本解飛騰術。神仙傳。汝南有費長房。為市掾。見公入市賣藥。常懸一空壺。日自壺中封符一卷。付之曰。此可主鬼神。能縮地脈。丁令寧為漢落材。丁令寧。明道人。壺中封符一卷。付之曰。此可主鬼神。能縮地脈。丁令寧為漢落材。丁令寧。明道人。

作法與了特峰石牛詩同

種種典故括來供自家之材料是這老長處

又其價家句調

遠隨仙客下青城。地理通釋。山在永康軍青城縣北。岷山第一峰也。仙經。瘦骨肥來見盡驚。藜杖夜懸翻露影。見卷十三排律。竹尊春瀉飲泉聲。園中幾歲形容變。海上何時羽翼成。醉聽樹頭風歷歷。

其二

是神仙器肯逐纍纍向草萊。

〔許由懸瓢見卷四同宿鶴孤山房〕還疑秋傍九臯鳴。

次韻楊禮曹雨中養疴

午晴書閣暫令開。又聽鳴鳩竹外催。〔陸游詩〕鳴鳩又喚雨絲來。身到遠山屏乍展。〔李白巫山屏風詩〕疑似天邊十二峯。飛入君家彩屏裏。手持明月扇初裁。〔李商隱詩〕雲屏不取。曉月扇未遮。〕綠芳消砌風前蕙。朱果封泥雨後梅。〔李白詩〕於焉摘朱果。曲巷掩關人寂寂。今朝問疾有誰來。

第六實況

咏梅次衍師韻五首

水郭山村路半交。春晴依約見芳苞。吳妃舞竟珠鈿委。〔王維西越吳宮妃。〕漢女遊歸玉珮拋。〔見卷一〕愁亂雪來朝片片。夢驚風過夜梢梢。人間何處無開落。吹送何須怨老蛟。〔梅花落見卷八會飲城南。〕

芳苞字奇  
比前九首未免有斧痕

其二

壓枝何處斷人腸。欲問黃家第四娘。〔杜甫詩〕黃四娘家花滿蹊。千朵萬朵壓枝低。〕雞早每鶩

第三次安

七八重複勇割為是

煙際色。蝶遲那識雪中香。林昏有霧籠綃帳。江淨無塵染素裳。此地一尊聊自慰。楊州回首月荒涼。〔一結重前四句〕

其三

海天寒徹〔一作〕玉人衣。〔拾遺記〕蜀先主甘后。玉質柔肌。應湘客治。河南獻玉人。高三尺。乃取玉人置后側。后與玉人潔白齊潤。變龍者非佳。〕密雨疎煙晚漸披。春後春前曾獨看。江南江北每相思。〔賦〕於后。亦妬於玉人。〕猿啼古驛征帆宿。馬立荒郊酒旆垂。擬折一枝供寂寞。東風無那欲殘時。〔結重前〕

重複可厭勇割為是

其四

招得清魂句自工。〔甘泉賦〕澄心清魂。〕長洲春到雪波融。未逢人寄千山外。忽訝君來一夜中。縱隱荒榛猶的皜。〔劉義詩〕鏗冰有韻。的皜玉無瑕。〕若穿深竹夏玲瓏。酒空客去愁多處。蔌蔌繁霜嫋嫋風。

二聯俱巧五首中獨取此首

其五

又可削

莫學新妝入漢宮。（見前梅）春風多處易枝空。遙情尚憶僧房裏。忽見偏憐客路中。淡月微雲應萬樹。荒山流水只孤叢。（此聯）夢回一笑仙人遠。碧海青天沒斷鴻。（李嶠詩）

送梅侯赴錢塘

（此從列朝詩集補入）

（又補注）錢遺遺事。錢王射潮。後作亭。鑄鐵箭。天如杵。埋亭中。出土猶七尺許。名箭亭。以示

道等詩在青邱集  
中亦剩水殘山耳

一鶴隨車到郡朝。剩山殘水尚蕭條。（杜甫詩）剩水滄江。盤藏秋塚金方出。（見卷十二盜發許或墓）按此即指楊。箭插寒沙鐵未銷。重見花開非

舊賞。初聞麥秀是新謠。幾時南作諸侯客。醜酒江亭看晚潮。

送廣陵成居竹先生之雲間

（原注）字元章。詩人也。○以下十四首。從棧軒集補。

老別蕪城每自哀。（一統志）揚州蕪城。古邗溝城。移家新向讀書堆。（見卷十）

遠人嶺表求詩去。故友京華寄字來。亂後識翁嗟已晚。衆中憐

我愧非才。建安大曆遺風遠。（魏文帝典論）今之文人。魯國孔融。文舉。廣陵阮

句格暢達

客途艱楚之狀可想

朝來泣罷廣州書。別我將行萬里餘。親骨未歸新冢葬。僕情猶守故坊居。月明橋轉隨烏鳥。雨暗燈移避鱖魚。此去定知難重見。海天南望渺愁予。

送顯上人還天平山

古寺秋深乞食回。尋鐘遙入亂雲堆。須知夜定啼應歇。鷺聽朝談到不猜。（見卷十四）對日裯衣連葉補。盛囊詩句向僧裁。他時半偈重相問。林閣應開候我來。

應字複不安

張思廉退居江上

東望歸鴻江水邊。客愁應獨上樓眠。春陰半月瀟瀟雨。晚色孤

佳聯可誦

（按）瑀元瑜。汝南。應瑒。瑒。東平。劉楨。公幹。斯七子者。咸以自聘。騷于千里。仰齊足而並馳。（唐書）盧綸。傳。綸與吉。中。韓。翃。錢。起。司空。曙。苗。發。崔。峒。耿。湊。夏。侯。審。李。端。皆。能。詩。齊。名。尚。藉。捶。鉤。一。挽。回。（淮南子）捶鉤者。年八十矣。而不

送陳博士歸南海葬親

（南海縣屬）

村渺渺煙。君去尙存酬國劍。我來未覓載家船。舊遊莫問長洲苑。寂寞鶯花正可憐。

過張子宜林居

清和池館閉閒苔。輕憶尋幽觸雨來。潘岳籍田賦微風生子經輪兮井桁水聲繩

後聯聲健緘口露  
思字甚新

乍轉。牀屏山色畫初開。穿花百舌深緘口。管子夜歌柳堤鳴百舌家語孔子視周廟有金人焉三緘

其吹絮雙鱗淺露腮。好賦一詩題壁去。主人未肯便塵埃。王播

少孤貧。客揚州水關院。後二紀來鎮是。那向題字已碧紗。幕其上。播作詩曰。二十年來塵撲面。而今始得碧紗籠。

林亭山寺漁樵共話圖

古澹亭臺絕世音。橋分鳥道入雲林。陰鏗詩瞻雲望鳥道溪流漲雨含春綠。柳色凝煙帶晚陰。江接遙岑青黛淺。山藏古寺白雲深。應慙擾擾塵中客。誰識漁樵話裏心。

赴京留別鄉舊

詩中有衛王陳詩亦應避三舍矣全首溫雅閑婉青邱本色

壯麗

幾向江頭買去船。自嗟行計日留連。風流已遂明時志。歲月空

驚壯士年。捧檄敢期囊穎出。見卷七贈楊榮陽著鞭肯向驛程先。見卷四編

東華叨列仙班入。見卷七五色雲中覲九天。李白詩五色雲中

白鶴溪阻雨見卷七

漠漠窮陰歲欲闌。却攜孤櫂別鄉關。雨添白鶴溪頭水。雪變金陵道上山。自歎無心雲漫出。應嗟倦翮鳥知還。浮生擾擾成何事。贏得星星兩鬢班。

送沈省郎赴武康縣丞武康屬湖州府

昨夜南風長綠荷。映君袍色渡溪波。暫從蘭省辭宵直。趙嘏詩一清秋。資暇錄新官併直本署。又向松廳愛畫哦。王龜齡詩視題一軸寄松廳投牒訟田來。縣少。披圖按地設邊多。孤城莫歎經殘廢。還得征輸免重科。

送胡端任嶺南陽朔主簿

今人送人赴任詩用微官字則人必以為失敬三四寫赴任途中景有奇氣

孤舟應過五羊城。〔統志〕五羊城。即廣州府城。尉佗築。初有五仙人騎羊至此。故名。新作微官治遠氓。躑躅風前荒店酒。〔見卷二〕竹枝詞。輶輶雨裏惡溪程。〔輶輶見卷十。愛竹軒。唐書韓愈傳。惡溪有鱉魚。〕負薪每見歸村女。操弩時逢出洞兵。此去知君非鼠逐。不須臨別淚沾纓。

客中述懷

客况可憫感愴悲切寄詩以致其懷也

故園生計日蹉跎。不覺青春客裏過。旅食自慙空舊橐。朝衫誰為換新羅。多愁未必關花事。長醉原非困酒魔。〔太平廣記〕元載不飲。人。以鐵挑其鼻尖。出一小蟲。日。此酒魔也。是日遂飲一斗。幾度欲歸歸未得。空彈長鈇和高歌。〔見卷八〕兵後逢張孝廉。

重遊甘露寺〔見卷十二〕

前聯奇構可愛天字雨字俱重出不妥 第七江山字收束前聯故重出不妨 第八與三四同句法且自

曉色蒼蒼宿雨收。倚天樓閣喜重遊。雲來雲去山如舊。潮落潮生江自流。天上曾聞甘露降。庭中長見雨花浮。江山千古情無

字重出俱不妥是蓋青邱未定詩

盡人往人還自白頭。

送呂志學秀才入道

的是送道士詩

海風寒拂紫頰煙。〔吳志〕孫權傳注。張遼問吳降人。向有紫頰。將軍。長上短下。便馬善射。是誰。曰。是孫會稽。初著黃冠已稱便。篋裏竟拋紅葉字。〔見前〕御講。燈前唯寫碧苔篇。〔李白詩〕。客窗炊黍回新夢。〔見卷十三〕排律。味。夢。仙圃偷桃記昔緣。〔見卷十一〕黃大癡畫。亦欲盡將書策棄。山中依子學長年。

送秦司訓海上省墓

穩切

亂離何處訪遺阡。暮雨東歸近海邊。寂寂野棠閒照墓。依依鄉樹遠迎船。門生舊解題銘石。〔皇甫持正〕韓文公墓誌銘。昌黎韓文公。以疾免。吏部侍郎。諡曰。死能令我不隨世磨滅者。惟此日誰無邱隴念。送君還詠白華篇。〔東晉〕補亡詩。白華。孝子之潔白也。

青邱高季迪先生詩集卷十五

明治三十年七月八日印刷  
三十年七月三十日發行

定價金五拾錢

版權所有

評訂者 近藤元粹

發行者 青木恒三郎  
大阪市東區博勞町四丁目二十七番屋敷

印刷者 谷口默次  
大阪市東區北久太郎町貳丁目六十六番屋敷

發賣所 青木嵩山堂  
東京市日本橋區通壹丁目(電話本局七八九番)

全 青木嵩山堂  
大阪市東區心齋橋筋博勞町

全 嵩山堂支店  
勢州四日市港豎町

印刷所 大阪活版製造所  
大阪市東區北久太郎町貳丁目(電話四參壹番)  
株式會社





